

الصَّلَاةُ

# YIGA ESSWALA N'AMAKULU GAAYO

**Kiwandiikiddwa  
Shk Mutazindwa Munir: 0702053256**

**SECOND EDITION**

## EBIRI MU KITABO

1. Ennyanjula .....	3
2. Okugenda emmanju.....	3
3. Okufuna wudhu.....	4
4. Edduwa esomebwa oluvanyuma lwokufuna wudhu.....	5
5. Okutayammama.....	5
6. Ebyonoona wudhu.....	6
7. Okwaziina.....	6
8. Edduwa esomebwa oluvanyuma lwo kwaziina.....	7
9. Okukima esswala.....	8
10. Okusaala.....	9-16
11. Ensobi ezikolebwa mu kutoola salaam.....	17
12. Adhikaari ezisomebwa oluvanyuma lwe sswala.....	17
13. Aayatul kursiyyu.....	19
14. Ebyonoona esswala.....	21

بسم الله الرحمن الرحيم

## YIGA ESSWALA N'AMAKULU GAAYO

### ENNYANJULA;

Amatendo amalungi ga Allah oyo eyatusiimira Obusiraamu okubeera nga ye ddiini entuufu fenna gyetusaanidde okugoberera. Tumusaba asse okusaasira n'emirembe ku Nabbi Muhammad swalla llaahu alaihi wasallam.

Baganda bange! Omuntu bwasaala nga byasaala amanyi amakulu gaabyo kimuyambako okutebenkeza ebirowoozo bye mu sswala era afuna empeera nyingi nnyo okusinga oyo asaala nga byasaala tabimanyi, Era nsaba tukimanye nti esswala gwemulimo ogugenda okusooka okubalibwa mu maaso ga Allah, bwerisangibwa nga wagisaala bulungi oliba weesiimye era empeera yo jjana Insha Allah. Naye bwekalikutanda neeba nga teyatereera kuliba kubonaabona. Yensonga lwaki njagadde mpandiike ekitabo kino fenna tusobole okwerwanako tuyige esswala n'amakulu gaayo. Tusaba Allah akifuule kyamugaso gyetuli.

### OKUGENDA EMMANJU

Bwoba ogenda mu toilet oba mu kiyigo osoma edduwa eno;

اللَّهُمَّ إِنِّي أَعُوذُ بِكَ مِنَ الْخُبْثِ وَالْخَبَائِثِ: (البخاري ٤٥١)

### ALLAHUMMA INNII A-UUDHU BIKA MINAL KHUBUTH WALKHABAA-ITH.

**Okuvvuunula:** Ayi Allah n'ewogoma gyoli ontaase amajinni amasajja n'amakazi.

Bwoba oyingira osoosaayo okugulu okwa kkono ate bwoba ofuluma osoosa kugulu kwa ddyo era n'ogamba nti

غُفْرَانَكَ (زاد المعاد ٣٨٦/٢)

**Okuvvuunula:** Ayi Allah nsaba onsonyiwe.

Bwoba weetukuza okozesa toilet paper oba olupapula olugonvugonvu okwejjako obukyafu oluvannyuma n'onaaba n'amazzi

## OKUFUNA WUDHU الوُضُوءُ

### ENGERI GYOFUNAMU WUDHU;

- 1- Osooka n'osoma nti (Bismillah)
- 2- Onaaba ebibatu byo byombi emirundi esatu
- 3- Oteeka amazzi mu kibatu kyo ekyaddyo n'onyumunguza mu kamwa era n'ofeese feesa ne mu nnyindo (emirundi esatu)
- 4- Onaaba mu maaso (face) okuva enviiri wezitandikira okutuusiza ddala ku kalevu, era n'okomya ne kumatu erudda n'erudda.
- 5- Onaaba emikono gyombi okutuusiza ddala waggulu w'obukokola, otandika n'omukono ogwa ddyo noddako ogwa kkono.
- 6- Osiiga omutwe n'amatu, amazzi goosiiga mu mutwe geegamu goosiigisa ne mumatu, era nga kino okukola bwoti; oyiwa amazzi amatonotono mu bibatu byombi nebitoba, otandika okusiiga omutwe nga otandikira enviiri wezitandikira (mu kyenyezi) nga ozza enkoto, ate oluvannyuma nojja enkoto nga bwozza mu maaso wewatandikidde omulundi gumu. Oddira olugalo luvamumba (oluddirira kyala kisajja) n'olusiiga munda mu matu, ate kyala kisajja yyo neesiiga ebweru waago.
- 7- Osembyayo okunaaba ebigere byombi okutuusiza ddala waggulu w'obukongovule, otandikira kukya ddyo noddako ekya kkono.



### **WEETEGEREZE**

Okkirizibwa okufuna wudhu omulundi gumu oba ebiri oba esatu kubuli kiyungo Wabula kimanye nti sikirungi kusussa mirundi esatu kubanga kuba kudiibuuda.

## EDDUWA ESOME BWA OLUVANNYUMA LW'OKUFUNA WUDHU

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ أَنَّ مُحَمَّدًا عَبْدُهُ وَرَسُولُهُ اللَّهُمَّ اجْعَلْنِي مِنَ  
التَّوَابِينَ وَاجْعَلْنِي مِنَ الْمُتَطَهِّرِينَ. (فتاوى اللجنة الدائمة ٢٢١/٥)

ASH-HADU ALLAA-ILAAHA ILLA LLAHU WAHDAHU  
LAASHARIIKA LAHU, WA - ASH-HADU ANNA  
MUHAMMADAN ABDUHU WARASUULUH,  
ALLAAHUMMA JI-ALNII MINA TTAWWAABIIN, WAJI-  
ALNII MINAL MUTATWAHHIRIIN.

**Okuvvuunula;** Nkakasa mu mutima gwange nenjatuza n'olulimi lwange nti tewali kisinzi bwa mubutuufu okujjako Allah, ali omu yekka tewali kimwegattako kyonna, Era Nkakasa mu mutima gwange nenjatuza n'olulimi lwange nti Mazima Nabbi Muhammad mudduwe era mubaka we. Ayi Allah nsaba onfuule ow'omubantu abeenenya, era nsaba onfuule ow'omubantu abeetukuza.

### OKUTAYAMMAMA (OKWETUKUZA N'ENFUUFU) التَّيَمُّمُ

Singa ofuna ekimu kubikukakasaako okunaaba (ghusul) oba okufuna wudhu neweesanga nga tewali mazzi, oba weegali naye nga ogatya okukutuusaako obuzibu gamba nga okukulwaza, okkirizibwa okutayammama era nga kino okikola bwoti;

- 1- Osooka n'osoma nti ( Bismillah ).
- 2- Okuba ebibatu byo byombi ku ttaka oba ku musenyu oba kukisenge ekiriko enfuufu omulundi gumu.
- 3- Ebibatu obikunkumulamu katono bisobole Okuvaamu olufuufufuufu.
- 4- Oyisa ebibatu byombi mu maaso omulundi gumu
- 5- Osiimuula kungulu w'ebibatu byombi okukoma ku bisekeseke omulundi gumu.

**Kimanye:** nti ekifo kyogenda okutayammamamu kirina okuba nga kitukuvu.

Ebyo bwokikola oba otukudde era Okkirizibwa Okusaala oba okukola ekintu kyonna ekyetaagisa okusooka okumala okwetukuza.

### **EBYONOONA WUDHU**

Ssinga omaliriza okufuna wudhu, n'okola ekimu kubino wammanga wudhuyo efa era oddamu n'ofuna endala;

1- Okuviibwamu Ekintu kyonna nga kiyita mulimu ku makubo ag'ekyama (empitambi oba omusulo).

2- Okuyisa omukka.

3- Okwebaka nooba nga tokyamanyi biri kungsi.

4- Okuggwebwamu amagezi okugeza nga okuwunga, okugwa ensimbu, okuzirika, okukwatibwa amajinni, kalifoomu n'ebirala.

5- Okwekwata kubwereere mubugendererevu.

6- Okukwata ku mukazi atakuzira kuwasa nga olina ekigendererwa.

7- Okuviibwamu ebika byamazzi bino; agazaala, agajja olwobwagazi agajja olwokusitula ebizito, agajja olwobunyogovu, naago agajja oluvannyuma lwokufuuyisa. gonna gamalako wudhu.

### **OKWAZIINA (AL-ADHAAN) الْأَذَانُ**

Bwoba ogenda okusaala osooka kwaziina oluvannyuma n'okima esswala Wabula ekyo kikolebwa ku sswala ettaano zokka ezaalaalikibwa naye eza sunna zzo osaala busaazi.

Oyaziina bwoti;

ALLAAHU AKBAR ALLAAHU AKBAR ×2

ASH-HADU ALLAA-ILAAHA ILLALLAAH ×2

ASH-HADU ANNA MUHAMMADA RASUULU LLAH ×2

HAYYA ALA SSWALAAH ×2

HAYYA ALAL FALAAH ×2

الله أكبر الله أكبر  
أشهد أن لا إله إلا الله  
أشهد أن محمد رسول الله  
حيّ على الصلاة  
حيّ على الفلاح

ALLAAHU AKBAR ALLAAHU AKBAR

الله أكبر الله أكبر

LAA-ILAAHA ILA LLAAH

لا إله إلا الله

Okuvvuunula:

Allah yaasinga Allah yaasinga ×2

Nkakasa mu mutima gwange nenjatuza n'olulimi lwange nti tewali kisinziwa mubutuufu okujjako Allah. ×2

Nkakasa mu mutima gwange nenjatuza n'olulimi lwange nti Muhammad swalla llaahu alaihi wasallam mubaka wa Allah ×2

Mujje eri esswala ×2

Mujje eri okwesiima ×2

Allah yaasinga Allah yaasinga.

Tewali kisinziwa mubutuufu okujjako Allah.

WEETEGEREZE:

1- Ekigambo ALLAAHU AKBAR kitegeeza nti Allah yaasinga **Amakulu:** Allah yaasinga ebyo byonna byemukola era yaasinga obugagga, obuyinza n'ekitiibwa.

2- Kirungi kwoyo yenna awulidde okwaziina okuddamu ebigambo byomwaziinyi nga bwabyaziina okujjako bwatuuka ku kigambo **Hayya ala sswala ne Hayya alal falaah addamu nti laahaula walaquwwata illaa billah.**

**EDDUWA ESOMEKWA OLUVANNYUMA LWOKWAZIINA.**

"اللَّهُمَّ صَلِّ عَلَى مُحَمَّدٍ وَعَلَى آلِ مُحَمَّدٍ، كَمَا صَلَّيْتَ عَلَى إِبْرَاهِيمَ وَعَلَى آلِ إِبْرَاهِيمَ، إِنَّكَ حَمِيدٌ مَجِيدٌ، اللَّهُمَّ بَارِكْ عَلَى مُحَمَّدٍ وَعَلَى آلِ مُحَمَّدٍ، كَمَا بَارَكْتَ عَلَى إِبْرَاهِيمَ وَعَلَى آلِ إِبْرَاهِيمَ، إِنَّكَ حَمِيدٌ مَجِيدٌ، اللَّهُمَّ رَبِّ هَذِهِ الدَّعْوَةِ التَّامَّةِ وَالصَّلَاةِ الْقَائِمَةِ آتِ مُحَمَّدًا الْوَسِيلَةَ وَالْفَضِيلَةَ وَابْعَثْهُ مَقَامًا مَحْمُودًا الَّذِي وَعَدْتُهُ" (فتاوى نور على الدرب ٣٧٤/٦)

**ALLAAHUMMA SWALLI ALAA MUHAMMAD WA-ALAA  
AALI MUHAMMAD KAMAA SWALLAITA ALAA  
IBRAAHIIMA WA-ALAA AALI IBRAAHIIMA INNAKA  
HAMIIDU MMAJIID, ALLAAHUMMA BAARIK ALAA  
MUHAMMAD WA-ALAA AALI MUHAMMAD KAMAA  
BAARAKTA ALAA IBRAAHIIMA WA-ALAA AALI  
IBRAAHIIMA INNAKA HAMIIDU MMAJIID.**

**ALLAHUMMA RABBA HAADHIHI DDA-AWATI  
TTAAMMA WASSWALAATIL QAA-IMA AATI  
MUHAMMADA AL-WASIILATA WALFADHWILA, WAB-  
ATHUHU MAQAAMAN MAHMUUDA ALLADHII WA-  
ATTAH.**

Okuvvuunula;

Ayi Allah nkusaba osse okusaasira ku Nabbi Muhammad ne kubantu ba Nabbi Muhammad nga bwewassa okusaasira ku Nabbi Ibrahiim ne kubantu ba Nabbi Ibrahiim, Mazima ggwe atenderezebwa ow'ekitiibwa.

Ayi Allah nkusaba osse emikisa ku Nabbi Muhammad ne kubantu ba Nabbi Muhammad nga bwewassa emikisa ku Nabbi Ibrahiim ne kubantu ba Nabbi Ibrahiim, Mazima ggwe atenderezebwa ow'ekitiibwa.

Ayi Allah nannyini kukoowoola Kuno okujjuvu, era nannyini sswala eyimiriddewo, wa Nabbi Muhammad ekifo ekyebbeeyi ey'awaggulu mu jjana ekiyitibwa (wasiila)era omuwe ebirungi era omuzuukize nga ali Mukifo ekyettendo (maqaaman mahmuuda) ekyo kyewamulagaanyisa.

**Ebyo bwobimala ozzaako okukima esswala bwoti;**

**ALLAAHU AKBAR ALLAAHU AKBAR**

**ASH-HADU ALLAA-ILAAHA ILLALLAAH**

**ASH-HADU ANNA MUHAMMADA RASUULU LLAH**

**HAYYA ALA SSWALAAH**

**HAYYA ALAL FALAAH**

**QADQAAMATI SSWALA ×2**

**ALLAAHU AKBAR ALLAAHU AKBAR**

**LAA-ILAAHA ILLA LLAH**

الله أكبر الله أكبر  
أشهد أن لا إله إلا الله  
أشهد أن محمد رسول الله  
حي على الصلاة  
حي على الفلاح  
قد قامت الصلاة قد قامت الصلاة  
الله أكبر الله أكبر  
لا إله إلا الله



### Okuvvuunula:

Allah yaasinga Allah yaasinga.

Nkakasa mu mutima gwange nenjatuza n'olulimi lwange nti tewali kisinziibwa mubutuufu okujjako Allah.

Nkakasa mu mutima gwange nenjatuza n'olulimi lwange nti Muhammad swalla llaahu alaihi wasallam mubaka wa Allah

Mujje eri esswala

Mujje eri okwesiima

Mazima ddala eyimiriddewo esswala ×2


Allah yaasinga Allah yaasinga.

Tewali kisinziibwa mubutuufu okujjako Allah.

### OKUSAALA الصَّلَاةُ

Bwomala okukima esswala oyimirira bulungi n'otunula mu Qibla n'oleeta enniya (okumalirira mu mutima gwo) oluvannyuma n'owanika emikono gyo nejenkanankana n'amatu oba ebibegabega n'ogamba nti;

ALLAAHU AKBARُ اللَّهُ أَكْبَرُ



Eyo nno eyitibwa takbiiratul ihraam (takbiira ey'emizizo )era nga yeetandika esswala. etegeeza nti Allah yaasinga.

Kyatteeka okugireeta era tukubiriza buli musaaze okugiteekangako ebirowoozo buli lwaba nga agenda Okusaala.

Bwomala okuleeta takbiiratul ihraam ozinga emikono gyo ogwakkono gwegusooka ku kifuba ogwaddyo neguddako. N'osoma edduwa eggulawo esswala bwoti;

سُبْحَانَكَ اللَّهُمَّ وَبِحَمْدِكَ وَتَبَارَكَ اسْمُكَ وَتَعَالَى جَدُّكَ وَلَا إِلَهَ غَيْرُكَ (الترمذي ٢٤٢)

**SUB-HAANAKA      LLAAHUMMA      WABIHAMDIKA  
WATABAARAKA    SMUKA    WA-TA-AALA    JADDUKA  
WALAA-ILAAHA GHAIIRUKA.**

Okuvvuunula;

Wasukkuluma Allah kubyonna ebikugattibwako era n'ebitendo byo byasukkuluma. N'erinnya lyo lyamukisa n'ekitiibwa kyo kyawaggulu nnyo era tewali katonda mulala atali ggwe.

Bwomala otandika Okusoma surat Alfaatiha bwoti;

أَعُوذُ بِاللَّهِ مِنَ الشَّيْطَانِ الرَّجِيمِ، بِسْمِ اللَّهِ الرَّحْمَنِ الرَّحِيمِ: "الْحَمْدُ لِلَّهِ رَبِّ الْعَالَمِينَ الرَّحْمَنِ  
الرَّحِيمِ مَالِكِ يَوْمِ الدِّينِ إِيَّاكَ نَعْبُدُ وَإِيَّاكَ نَسْتَعِينُ اهْدِنَا الصِّرَاطَ الْمُسْتَقِيمَ صِرَاطَ الَّذِينَ أَنْعَمْتَ  
عَلَيْهِمْ غَيْرِ الْمَغْضُوبِ عَلَيْهِمْ وَلَا الضَّالِّينَ (آمين) (سورة الفاتحة)

**A-UUDHU BILLAAHI MINA SHAITWANIR RAJIIM, BISMI  
LLAAHIR RAHMAANIR RAHIIM, ALHAMDU LILLAHI  
RABBIL AALAMIIN, ARRAHMAANIR RAHIIM, MAALIKI  
YAUMI DDIIN, IYYAACA NA-ABUDU WA-IYYAACA  
NASTA-IIN, IHDINA SSWIRAATWAL MUSTAQIIM,  
SWIRAATWA LLADHIINA AN-AMTA ALAIHIM GHAIIRIL  
MAG-DHUUBI      ALAIHIM      WALA      DHWAALLIIN  
“AAAMMMIIN”.**

Okuvvuunula;

Nneewogoma eri Allah nga musaba okumponya shaitwan eyakolimirwa, Ntandika n'okusoma erinnya Iya Allah omusaasizi w'okunsi era omusaasizi w'okulunaku lwenkomerero, "Amatendo amalungi ga Allah omulabirizi w'ebitonde, omusaasizi w'okunsi era omusaasizi w'okulunaku lwenkomerero, omufuzi w'olunaku lwokusasulwa, ggwe wekka gwe tusinza era ggwe wekka gwetusaba obuyambi, Tukasaba otulunganye mu kkubo eggolokofu, ekkubo lyabo bewawa ebyengera eritali eryabo abaasunguwalirwa wadde abaabula."\*Ayi Allah nkusaba oyanukule\*.

Alfaatiha bweggwa oyongerako essuula endala yonna mu Quran oba Aaya zooba osobodde.okugeza nga **suuratul Ikhlāaswi**;

بِسْمِ اللَّهِ الرَّحْمَنِ الرَّحِيمِ "قُلْ هُوَ اللَّهُ أَحَدٌ \* اللَّهُ الصَّمَدُ \* لَمْ يَلِدْ وَلَمْ يُولَدْ \* وَلَمْ يَكُنْ لَهُ كُفُوًا أَحَدٌ" (سورة الإخلاص)

**BISMILLAAHIR RAHMAANIR RAHIIM, "QULHUWA LLAHU AHAD, ALLAAHU SSWAMAD, LAM YALID WALAM YUULAD, WALAM YAKULLAHU KUFUWAN AHAD."**

Okuvvuunula;

Ntandika n'okusoma erinnya Iya Allah omusaasizi w'okunsi era omusaasizi w'okulunaku lwenkomerero, "Gamba nti yye Allah ali omu yekka, Allah yemumazi weebyetaago byabadu be bonna, Teyazaala era teyazaalibwa, Era talina kintu kyonna kimwenkanankana".

Oluvannyuma okutama ku maviivi n'osoma emu ku dduwa zino;

سُبْحَانَ رَبِّيَ الْعَظِيمِ وَبِحَمْدِهِ (الترمذي ١٤٣٩/٣٢)

**1- SUBHAANA RABBIYAL ADHWIMI WABIHAMDIHI ×3**

Okuvvuunula;

Yasukkuluma omulezi wange oweekitiibwa n'ebitendo bye byasukkuluma.

سُبْحَانَكَ اللَّهُمَّ رَبَّنَا وَبِحَمْدِكَ اللَّهُمَّ اغْفِرْ لِي (البخاري ٧٩٤-٨١٧)

## 2- SUB-HAANAKA LLAAHUMMA RABBANAA WABIHAMDIKA ALLAAHUMMA GH-FIRLII.

Okuvvuunula;

Wasukkuluma ayi Allah omulezi waffe n'ebitendo byo byasukkuluma ayi Allah nkusaba onsonyiwe.

Bwomala okutaamulukuka okuva ku maviivi nga bwogamba nti;

سَمِعَ اللَّهُ لِمَنْ حَمِدَهُ

## SAMI-A LLAHU LIMAN HAMIDAH

Okuvvuunula;

Allah awulidde omuddu we amutenderezza.(Eswala bweba ya jjama imaam yekka yaayogera ekigambo ekyo naye bwoba osaala bwomu naawe okyogera).

Oyimirira n'otereera bulungi era n'oyongerako bino;

رَبَّنَا وَلَكَ الْحَمْدُ حَمْدًا كَثِيرًا طَيِّبًا مُبَارَكًا فِيهِ مِلَأَ السَّمَاوَاتِ وَمِلَأَ الْأَرْضَ وَمِلَأَ  
مَا شِئْتَ مِنْ شَيْءٍ بَعْدُ (مسلم ٤٧٦-٤٧٧)

**RABBANAA WALAKAL HAMDU, HAMDAN KATHIIRAN  
TWAYYIBAN MUBAARAKAN FIIHI, MIL-A  
SSAMAAWAATI WAMIL-AL ARDHWA WAMIL-A  
MAASHI-ITA MINSHAY-IN BA-ADU**

Okuvvuunula;

Omulezi waffe Mubutuufu olina amatendo, amatendo amangi, amalungi era agajjudde emikisa, amatendo agajjuza amagulu era agajjuza ensi era agajjuza n'ebirala byonna byoba oyagadde byeweesigaliza ffe byetutamanyi.

Oluvannyuma okka wansi n'ovunnama n'oteeka ekyenyi ne nnyindo ku ttaka n'osoma emu ku dduwa zino;



سُبْحَانَ رَبِّيَ الْأَعْلَى وَبِحَمْدِهِ

## 1. SUBHAANA RABBIYAL A-ALA WABIHAMDIHI × 3

Okuvvuunula;

Yasukkuluma omulezi wange ow'awaggulu n'ebitendo bye byasukkuluma.

سُبْحَانَكَ اللَّهُمَّ رَبَّنَا وَبِحَمْدِكَ اللَّهُمَّ اغْفِرْ لِي (البخاري ٧٩٤-٨١٧)

## 2. SUB-HAANAKA LLAAHUMMA RABBANAA WABIHAMDIKA ALLAAHUMMA GH-FIRLII.

Okuvvuunula;

Wasukkuluma ayi Allah omulezi waffe n'ebitendo byo byasukkuluma ayi Allah nkusaba onsonyiwe.

Bwojja ekyenyi ku ttaka ozzaako okutuula wakati wenvunna ebbiri era n'osoma bwoti;

اللَّهُمَّ اغْفِرْ لِي وَارْحَمْنِي وَاهْدِنِي وَعَافِنِي وَارْزُقْنِي. (أبو داود ٨٥٠)

## ALLAAHUMMA GH-FIRLII WARHAMNII WAH-DINII WA-AAFINII WARZUQNII .

Okuvvuunula;

Ayi Allah nkusaba onsonyiwe, onsaasire, onnungamye, omponye era ongabirire.

### **BINO BIKULU :**

- ❖ Buli lwojjulukuka okuva ku kikulwa okudda kukirala ogamba nti **ALLAAHU AKBAR** okujjako bwoba okutaamulukuka okuva kumaviivi ogamba nti **SAMI-A LLAHU LIMAN HAMIDAH.**
- ❖ Ebigambo ebisomebwa ku maviivi oba mukuvunna osobola okubisoma okuva kumulundi gumu, esatu, etaano n'okugenda mu maaso kasita giba nga gyansuusuuba Wabula sikirungi ku Imaam okuwanvuya ennyo esswala okwewala okukaluubiriza abasaaze.
- ❖ Eraaka eziddako zonna ozisaala nga bwosadde esooka okujjako edduwa eggulawo esswala ne **isti-aadha** (A-uudhu billaahi minashaitwanir rajiim) bbyo tobiddamu.

**Eraaka ey'okubiri bweggwa otuula n'osoma Tahiyyaatu bwoti;**

التَّحِيَّاتُ لِلَّهِ وَالصَّلَوَاتُ وَالطَّيِّبَاتُ، السَّلَامُ عَلَيْكَ أَيُّهَا النَّبِيُّ وَرَحْمَةُ اللَّهِ وَبَرَكَاتُهُ، السَّلَامُ عَلَيْنَا  
وَعَلَى عِبَادِ اللَّهِ الصَّالِحِينَ، أَشْهَدُ أَنْ لَا إِلَهَ إِلَّا اللَّهُ وَأَشْهَدُ أَنَّ مُحَمَّدًا عَبْدُهُ وَرَسُولُهُ. (البخاري  
٨٣١)

**ATTAHIYYAATU LILLAHI WASSWALAWAATU  
WATTWAYYIBAATU, ASSALAAM ALAIKA AYYUHA  
NNABIYYU WARAHMATU LLAHI WABARAKAATUH,  
ASSALAAM ALAINAA WA-ALAA IBAADI LLAHI  
SSWALIHIIN, ASH-HADU ALLAA-ILAAHA ILLALLAAH,  
WA-ASH-HADU ANNA MUHAMMADAN ABDUHU  
WARASUULUH.**

Okuvvuunula;

Okugulumiza kwonna tukukolera Allah, n'okusaba kwonna n'ebirungi byonna tubikola kululwe, Emirembe gibeere gyoli ggwe Nabbi Muhammad n'okusaasira kwa Allah n'emikisa gye, emirembe gibeere gyetuli ne kubaddu ba Allah abalongoofu. Nkakasa mu mutima gwange nenjatuza n'olulimi lwange nti tewali kisinzi bwa mubutuufu okujjako Allah, Era Nkakasa mu mutima gwange nenjatuza n'olulimi lwange nti Mazima Nabbi Muhammad mudduwe era mubaka we.

**Mu Tahiyyaatu esooka osobola okukoma awo oba nooyongerako okusaalira Nabbi Muhammad swalla llaahu alaihi wasallam bwoti;**

اللَّهُمَّ صَلِّ عَلَى مُحَمَّدٍ وَعَلَى آلِ مُحَمَّدٍ كَمَا صَلَّيْتَ عَلَى إِبْرَاهِيمَ وَعَلَى آلِ إِبْرَاهِيمَ إِنَّكَ حَمِيدٌ  
مَجِيدٌ، اللَّهُمَّ بَارِكْ عَلَى مُحَمَّدٍ وَعَلَى آلِ مُحَمَّدٍ كَمَا بَارَكْتَ عَلَى إِبْرَاهِيمَ وَعَلَى آلِ إِبْرَاهِيمَ إِنَّكَ  
حَمِيدٌ مَجِيدٌ. (البخاري مع الفتح ٤٠٨١٦)

**ALLAAHUMMA SWALLI ALAA MUHAMMAD WA-ALAA  
AALI MUHAMMAD KAMAA SWALLAYITA ALAA  
IBRAAHIIMA WA-ALAA AALI IBRAAHIIMA INNAKA  
HAMIIDU MMAJIID, ALLAAHUMMA BAARIK ALAA**

**MUHAMMAD WA-ALAA AALI MUHAMMAD KAMAA  
BAARAKTA ALAA IBRAAHIIMA WA-ALAA AALI  
IBRAAHIIMA INNAKA HAMIIDU MMAJIID.**

Okuvvuunula;

Ayi Allah nkusaba osse okusaasira ku Nabbi Muhammad ne kubantu ba Nabbi Muhammad nga bwewassa okusaasira ku Nabbi Ibrahiim ne kubantu ba Nabbi Ibrahiim, Mazima ggwe atenderezebwa ow'ekitiibwa.

Ayi Allah nkusaba osse emikisa ku Nabbi Muhammad ne kubantu ba Nabbi Muhammad nga bwewassa emikisa ku Nabbi Ibrahiim ne kubantu ba Nabbi Ibrahiim, Mazima ggwe atenderezebwa ow'ekitiibwa.

**Mu tahiyyaatu ey'okubiri osoma byewasomye mwesooka  
n'ogattako okusaalira Nabbiswalla llaahu alaihi wasallam (nga  
bwetukirabye) oluvanyuma n'oyongerako edduwa zino;**

اللَّهُمَّ إِنِّي أَعُوذُ بِكَ مِنْ عَذَابِ جَهَنَّمَ وَمِنْ عَذَابِ الْقَبْرِ وَمِنْ فِتْنَةِ الْمَحْيَا وَالْمَمَاتِ وَمِنْ شَرِّ فِتْنَةِ  
الْمَسِيحِ الدَّجَالِ. (البخاري ٨٣٢)

**1- ALLAAHUMMA INNII A-UUDHU BIKA MIN ADHAABI  
JAHANNAM WAMIN ADHAABIL QABRI WAMIN  
FITNATIL MAH-YA WALMAMAATI WAMIN SHARRI  
FITNATIL MASIHI DDAJJAAL.**

Okuvvuunula;

Ayi Allah Mazima nze nneewogoma gyoli ontaase ebibonerezo byomuliro (jahannama) n'ebibonerezo byomuntaana, n'ebikemo ebiri mu bulamu bwensi eno n'ebikemo ebiri mukufa era ontaase obubi bwebikemo bya masiihi ddajjaal.

اللَّهُمَّ إِنِّي ظَلَمْتُ نَفْسِي ظُلْمًا كَثِيرًا وَلَا يَغْفِرُ الذُّنُوبَ إِلَّا أَنْتَ فَاعْفِرْ لِي مَغْفِرَةً مِنْ عِنْدَكَ  
وَارْحَمْنِي إِنَّكَ أَنْتَ الْعَفُورُ الرَّحِيمُ. (البخاري ٨٣٤)

**2- ALLAAHUMMA INNII DHWALAMTU NAFSII DHULMAN KATHIIRAN WALAA YAGH-FIRU DHUNUUBA ILLAA ANTA, FAGH-FIRLII MAGH-FIRATAN MIN INDIKA WARHAMNII INNAKA ANTAL GHAFUURU RRAHIIM.**

Okuvvuunula;

Ayi Allah, Mazima nze ndyazaamaanyizza omwoyo gwange olulyazaamaanya olwamaanyi, naye tewali asonyiwa byonoono okujjako ggwe, nkusaba onsonyiwe olusonyiwa okuva gyoli, era onsaasire Mazima ggwe musonyiyi omusaasizi.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ (البخاري ٦٣٨٩ )

**3- RABBANAA AATINAA FI DDUNIYA HASANATAN WAFIL AAKHIRATI HASANATAN WAQINAA AHAABA NNAAR.**

Okuvvuunula;

Ayi Allah omulezi waffe, nkusaba otuwe ebirungi ku nsi Kuno, ne kunkomerero otuwe ebirungi era otukingirize ebibonerezo byomuliro.

**WEETEGEREZE;**

Edduwa ezo nendala ezisigaddeyo sitteekwa zonna okuzisoma Wabula osobola okusomako zooba osobodde.


**Bwomala ozzaako okutoola ssalaam, okyusa ensingo yo mpola n'otunula ku ludda olwa ddyo n'ogamba nti;**

السَّلَامُ عَلَيْكُمْ وَرَحْمَةُ اللَّهِ

**ASSALAAM ALAIKUM WARAHMATU LLAAH.**

Ne kukkono n'okola bwotyo.





## ENSOBI EZIKOLEBWA MU KUTOOLA SSALAAM

- ❖ Okunyeenya omutwe nga otoola ssalaam.
- ❖ Okuwanika ebibatu.
- ❖ Okuyisa engalo mu maaso nga ssalaam ewedde.

الأَذْكَارُ بَعْدَ الصَّلَاةِ

## **ADHIKAAR/EBIGAMBO EBISOMEBWA OLUVANNYUMA LWE SWALA**

Bwomala Okutoola ssalaam osoma ebigambo bino;

أَسْتَغْفِرُ اللَّهَ (ثَلَاثَمَرَّاتٍ)

1- **ASTGH-FIRU LLAAH**(Emirundi esatu)

Okuvvuunula;

Nkusaba onsonyiwe Allah.

اللَّهُمَّ أَنْتَ السَّلَامُ وَمِنْكَ السَّلَامُ تَبَارَكْتَ يَا ذَا الْجَلَالِ وَالْإِكْرَامِ (مسلم ٥٩١-٥٩٢)

2- **ALLAAHUMMA ANTA SSALAAM WAMINKA SSALAAM  
TABAAARAKTA YAADHAL JALAAL WAL-IKRAAM.**

Okuvvuunula;

Ayi Allah ggwe mirembe era gyoli yeewava emirembe, watukula (Allah) ggwe nannyini kugulumizibwa n'ekitiibwa.

لَا إِلَهَ إِلَّا اللَّهُ وَحْدَهُ لَا شَرِيكَ لَهُ، لَهُ الْمُلْكُ وَلَهُ الْحَمْدُ وَهُوَ عَلَى كُلِّ شَيْءٍ قَدِيرٌ، اللَّهُمَّ لَا مَانِعَ لِمَا أَعْطَيْتَ وَلَا مُعْطِيَ لِمَا مَنَعْتَ وَلَا يَنْفَعُ ذَا الْجَدِّ مِنْكَ الْجَدُّ (البخاري ٨٤٤)

3- LAA-ILAAHA ILLA LLAAHU WAHDAHU  
LAASHARIIKALAHU LAHUL MULKU WALAHUL HAMDU  
WAHUWA ALAA KULLI SHAI-IN QADIIR, ALLAAHUMMA  
LAAMAANI-A LIMAA A-ATWAYTA WALAA MU-UTWIYA  
LIMAA MANA-ATA WALAA YANFA-U DHALJADDI  
MINKAL-JADDU.

Okuvvuunula;

Tewali kisinziibwa mubutuufu okujjako Allah, ali omu yekka tewali kimwegattako, y'alina obufuzi bwonna, era n'amatendo amalungi gage, era buli kintu kyonna akirinako obusobozi, Ayi Allah tewali ayinza kumma oyo gwoba owadde, era tewali ayinza kuwa oyo gwoba ommye, era obugagga tebulina gwebuyinza kugasa (nga toyagadde), obugagga buva gyoli.

لَا إِلَهَ إِلَّا اللَّهُ وَحْدَهُ لَا شَرِيكَ لَهُ، لَهُ الْمُلْكُ وَلَهُ الْحَمْدُ وَهُوَ عَلَى كُلِّ شَيْءٍ قَدِيرٌ لَا حَوْلَ وَلَا قُوَّةَ إِلَّا بِاللَّهِ وَلَا نَعْبُدُ إِلَّا إِيَّاهُ لَهُ النِّعْمَةُ وَلَهُ الْفَضْلُ وَلَهُ الثَّنَاءُ الْحَسَنُ لَا إِلَهَ إِلَّا اللَّهُ مُخْلِصِينَ لَهُ الدِّينَ وَلَوْ كَرِهَ الْكَافِرُونَ (البخاري ٨٤٤)

LAA-ILAAHA ILLA LLAAHU WAHDAHU  
LAASHARIIKALAHU LAHUL MULKU WALAHUL HAMDU  
WAHUWA ALAA KULLI SHAI-IN QADIIR, LAHAULA  
WALAA QUWWATA ILLAA BILLAAH, WALAA NA-ABUDU  
ILLAA IYYAAHU, LAHU NNI-IMAH WALAHUL FADH-LU  
WALAHU THANAA-UL HASAN, LAA-ILAAHA ILLA  
LLAAHU MUKH-LISWINA LAHU DDIIN WALAU KARIHAL  
KAAFIRUUN.

Okuvvuunula;

Tewali kisinzi bwa mubutuufu okujjako Allah, ali omu yekka tewali kimwegattako, y'alina obufuzi bwonna, era n'amatendo amalungi gage, era buli kintu kyonna akirinako obusobozi, Tewali ayinza kukyusa Mbeera era tewali alina maanyi okujjako nga byonna biva eri Allah, era tewali gwetusinza okujjako yye (Allah), ebyengera byonna bibye n'ebirungi byonna bibye era y'alina okusuutibwa okulungi, tewali kisinzi bwa mubutuufu okujjako Allah, eddiini tugilongoosa ku lulwe newankubadde nga abawakanyi ekyo (ekyokulongoosa eddiini netutamugattako kintu kirala) tebakyagala.

سُبْحَانَ اللَّهِ، وَالْحَمْدُ لِلَّهِ، وَاللَّهُ أَكْبَرُ.

## 5- SUBHAANA LLAH, WALHAMDU LILLAH, WALLAAHU AKBAR (Emirundi 33)

### Okuvvuunula

Yasukkuluma Allah, n'amatendo ga Allah, era Allah yaasinga. Kirungi okukozesa ebiseera byengalo nga osoma ebigambo ebyo, Ekyonno kikuyambako obutabuzaabuzibwa mirundi gyewaakasoma. **bwomala oyongerako bino;**

لَا إِلَهَ إِلَّا اللَّهُ وَحْدَهُ لَا شَرِيكَ لَهُ لَهُ الْمُلْكُ وَلَهُ الْحَمْدُ وَهُوَ عَلَى كُلِّ شَيْءٍ قَدِيرٌ  
(مسلم ٥٩٧)

## LAA-ILAAHA ILLA LLAHU WAHDAHU LAASHARIIKALAHU, LAHUL MULKU WALAHUL HAMDU WAHUWA ALAA KULLI SHAI-IN QADIIR

### Okuvvuunula;

Tewali kisinzi bwa mubutuufu okujjako Allah, ali omu yekka tewali kimwegattako, y'alina obufuzi bwonna, era n'amatendo amalungi gage, era buli kintu kyonna akirinako obusobozi.

6- Okusoma **suuratul ikhlaaswi** (Qulhuwa llaahu ahad), **suuratul falaq** (Qul A-uuthu birabbil falaq), **suuratu nnaas** (Qul A-uuthu birabbi nnaas). ku subuhi ne magribi buli suura ogisoma emirundi

esatu ate ku sswala endala ( thuhur, Aswir ne ishaa) osoma omulundi gumu gumu.

7- Okusoma Aayatul kursiyyu.

أَعُوذُ بِاللَّهِ مِنَ الشَّيْطَانِ الرَّجِيمِ: "اللَّهُ لَا إِلَهَ إِلَّا هُوَ الْحَيُّ الْقَيُّومُ لَا تَأْخُذُهُ سِنَّةٌ وَلَا نَوْمٌ لَهُ مَا فِي السَّمَاوَاتِ وَمَا فِي الْأَرْضِ مَنْ ذَا الَّذِي يَشْفَعُ عِنْدَهُ إِلَّا بِإِذْنِهِ يَعْلَمُ مَا بَيْنَ أَيْدِيهِمْ وَمَا خَلْفَهُمْ وَلَا يُحِيطُونَ بِشَيْءٍ مِنْ عِلْمِهِ إِلَّا بِمَا شَاءَ وَسِعَ كُرْسِيُّهُ السَّمَاوَاتِ وَالْأَرْضَ وَلَا يَئُودُهُ حِفْظُهُمَا وَهُوَ الْعَلِيُّ الْعَظِيمُ. (سورة البقرة ٢٥٥)

**A-UUDHU BILLAAHI MINA SHAITWANIR RAJIIM,  
“ALLAAHU LAA-ILAAHA ILLAA HUWAL HAYYUL  
QAYYUUM, LAATA-AKHUDHUHUU SINATU WWALAA  
NAWUUM, LAHUU MAAFI SSAMAAWAATI WAMAAFIL  
ARUDH, MANDHA LLADHII YASH-FA-U INDAHUU ILLAA  
BI-IDHINII, YA-ALAMU MAABAYNA AIDIHIM WAMAA  
KHALFAHUM, WALAA YUHIITUUNA BISHAY-I MMIN  
ILMIHII ILLAA BIMAASHAA-A, WASI-A KURSIYYUHU  
SSAMAAWAATI WAL-ARDH, WALAA YA-UUDUHUU HIF-  
DHUHUMAA WAHUWAL ALIYYUL ADHWIM.”**

Okuvvuunula;

Allah (ye mutonzi) tewali katonda mulala okujjako yye, omulamu era eyeabeezaawo, tasumagira era teyeebaka, ebiri mu ggulu n'ebiri mu nsi byonna bibye, ani ayinza okuwolereza omuntu eri (Allah)okujjako nga afunye olukusa okuva gyali, amanyi ebyo abantu byebakola mu lwatu ne mukyama era tebayinza kwetooloola kintu kyonna mu kumanya kwe okujjako ekyo kyaba ayagadde (nebakimanya), Entebe ye (eyitibwa Kursiyyu) yagaziwa n'ebuna eggulu ne nsi, tasobola kulemererwa kubikuuma byombiriri(eggulu nensi) era yye yewaawaggulu oweekitiibwa.

لَا إِلَهَ إِلَّا اللَّهُ وَحْدَهُ لَا شَرِيكَ لَهُ لَهُ الْمُلْكُ وَلَهُ الْحَمْدُ يُحْيِي وَيُمِيتُ وَهُوَ عَلَى كُلِّ شَيْءٍ قَدِيرٌ

**8- LAA-ILAAHA ILLA LLAAHU WAHDAHU  
LAASHARIIKALAHU LAHUL MULKU WALAHUL HAMDU,  
YUHYI WA YUMITU, WAHUWA ALAA KULLI SHAI-IN  
QADIIR.**

Ekyonno kyogerwa emirundi 10 oluvannyuma lwe ssuala ya subuhi ne magribi.

Okuvvuunula;

Tewali kisinziibwa mubutuufu okujjako Allah, ali omu yekka tewali kimwegattako, y'alina obufuzi bwonna, era n'amatendo amalungi gage, Awa obulamu (gwaba ayagadde) era natta (gwaba ayagadde) era buli kintu kyonna akirinako obusobozi.

اللَّهُمَّ إِنِّي أَسْأَلُكَ عِلْمًا نَافِعًا وَرِزْقًا طَيِّبًا وَعَمَلًا مُتَقَبَّلًا (ابن ماجه ١٥٢١)

**9- ALLAAHUMMA INNII AS-ALUKA ILMAN NAAFI-AN  
WARIZQAN TWAYYIBAN WA-AMALAN  
MUTAQABBALAN.**

Okuvvuunula;

Ayi Allah nkusaba ompe okumanya okugasa, n'ebyenfuna ebirungi (ebya halaal) era nkusaba ompe obusobozi obukola emirimu egikkirizibwa gyoli. Edduwa eno kirungi nnyo okugisoma naddala oluvannyuma lwa swalaatu subuhi.

Esswala bweggwa ekisinga obulungi kuyitiriza kusoma Athikaar naye tekigaana olwolumu osobola okuzigoberezaako edduwa n'osaba Allah byoyagala. Era kirungi emirundi egimu okuwanika ku mikono nga osaba Allah.

## EBYONOONA ESWALA مُبْطَلَاتُ الصَّلَاةِ

- 1-Okwogerera mu sswala nga ogenderedde أَلَكَلَامُ عَمْدًا
- 2-Okusekera mu sswala nga ogenderedde الضَّحْكُ عَمْدًا
- 3-okuliira mu sswala الْأَكْلُ
- 4-Okunywera mu sswala الشُّرْبُ
- 5-Okusaalira mungoye ezitabikka biyungo bibalibwa nti bwereere.
- 6-Okumagaamagira ennyo mu sswala.
- 7-Okukola ekintu kyonna ekikumalako wudhu.
- 8-Okukola ensobi eziyitiridde gamba nga mukusoma.
- 9-Okusaalira mulugoye olujama oba mu kifo ekijama mubugendererevu..
- 10- Okwebakira mu sswala.
- 11- Okuzannyira mu sswala gamba nga (okusikaasika omuntu mu sswala).

(وصلی اللہ علی نبینا محمد وعلی آلہ وصحبہ وسلم والحمد لله رب العالمین)

